



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二一六

存硯樓文集十六卷二編二卷（存硯樓文集卷七至

卷十六二編二卷） 儲大文 撰

存硯樓二集二十五卷 儲大文 撰

存研樓文集卷七

宜興儲大文六雅著

張 冕冠伯 受業 徐柱臣題客 編校

姪 元晉孟養校字

雜 著

三谷

秦入蜀漢道古紀三谷陝志曰褒谷斜谷在褒城縣東北史記貨殖傳曰惟褒斜綰轂口張守節正義曰北口曰斜南口曰褒今所謂連雲棧道是也郡國志

存研樓文集 卷七

曰北口曰斜南口曰褒長四百七十里同爲一谷南谷高峻中間谷道褒水所流陝志又曰昔張良說高祖燒絕所過棧道曹操出斜谷遽要以臨漢中諸葛亮繇斜谷取郿皆此道也按關中關志曰斜谷關在岐山縣南七十里谷之南曰褒北曰斜卽漢諸葛亮出師地金牙關在岐山縣西南一百里大散關在寶雞縣南五十二里路通褒斜二里關在寶雞縣南四十里連雲棧所出古置關遺址存登壇必究曰二里關在寶雞縣西南四十里大散關在寶雞縣南五十

存研樓文集 卷七

里金牙關在寶雞縣東南一百二十里又曰石鼻寨在寶雞東四十里宋程大昌函潼關要志曰石鼻寨諸葛亮築以拒郝昭蓋行人自北入蜀至此漸入山自蜀赴洛至此已出山也此連雲棧北關址之畧也鳳翔府志曰陸川在寶雞縣西二十五里秦地平川至此而盡益門山在南十五里益州境繇此入卽秦嶺北峪也石鼓山在南二十里和尚原在西南四十里宋吳玠收散卒保散關東和尚原是也大散嶺在西南六十里關所倚也鳳縣黃花川大散水胥源此煎茶平山在西南六十五里相傳漢高祖出故道駐馬煎茶於此蛇山在西南八十里山多蛇陳倉山在東南四十里一名鷄峰山石塔山在東南七十里渭水在縣南一里清澗水在南六里源出煎茶平東北流入渭勢尤迅激瀑布泉在西南七十里繇嶺流下若玉虹然卽清澗河源也洛谷水在東六十里源出南山北入渭箕谷水在東南源出箕谷北入渭磻溪在東南八十里北入渭太公石室在焉此棧道北寶雞山川之畧也關中紀要曰寶雞縣西南至益門鎮

二十里又西南至東河驛六十里又西南至黃牛鋪五十里又西南至草涼驛四十里又西至鳳縣七十里此棧道北近大散關二里關之郵驛也又按紀要漢中府鳳縣東至寶雞縣界一百十里至縣二百四十里北至界七十里西至兩當縣界單河鋪六十里西北至界曹家莊七十里西南至畧陽縣界東西距一百七十里南北距三百里褒城縣北至武關驛鳳縣界一百四十里西北至界青陽鋪一百六十里東至南鄭縣界四十里東南至界雙橋鋪二十里西至

存研樓文集

卷七

三

火燒營沔縣界四十里西南至界栢鄉鋪四十五里南至剪子河巴州界一百三十里東西距八十里南北距二百七十里按漢中府志鳳縣山則長松山在東北一百里三峰胥產喬松主皇山在東一百里巔橫巨石似寶殿御愛山在東北三十里唐僖宗幸蜀之所嗜也父子谷在北二里叟進僖宗醪地也豆積山在北一里上有青災巖下俯嘉陵江南岐山在南十里有竹雲洞湫池君子山在西南二十五里上

有三聖夫人洞池胥一紫栢山在南一百三十里多

存研樓文集

卷七

四

紫栢上有七十二洞異人之所萃隱也川則紫金水在東一百五十里源太白山下入谷爲褒水黃花川在東北十里卽大散水唐黃花縣址也大散水在東五里經縣西合嘉陵江嘉陵江在北一里出大散關西經兩當縣紅崖水在西十里源秦州南流合嘉陵江橋梁則鳳橋斜谷橋石獅橋五子崖橋又有三名橋判官橋小橋松林橋桑坪橋石峽橋柴關橋石窰橋連雲橋又按紀要黃牛鋪在縣東北一百十里卽寶雞縣界也草涼驛在東北七十里此東北之郵驛

三全驛在縣南五十里松林驛在西南一百二十里安山驛在西南一百六十里此西南之郵驛又按關志仙人關在西一百里馬嶺關在西北三十里它詳仙人關說此鳳縣棧道左右形勢之畧也又按漢中府志褒城縣山則立石山在縣西北八十里東南連青銓西南接金華雲霧山在西北七十里巔崖高百丈北卽廢雲霧縣址也牛頭山在西北二十五里一名戴竺山箕山在北十五里中有道人谷山下有箕谷又褒西南二十五里有小北流諸葛武侯揚聲繇

斜谷道取郿使趙雲鄧芝據之以爲疑軍者也七盤嶺在北十三里鷄頭關下自北南上盤迴七轉至巔尤險峻繇此北入連雲棧所謂南口曰褒者也川則石溝水在縣北百五十里源武曲山至武關驛東合褒水沙河水在西北六十七里源雲霧山北流入褒青橋水在青橋驛北源繇西南流合褒水而黑龍江源太白山經縣東門外亦東北流合褒水又東南匯入於漢華陽水在西二十五里源牛頭山南流合漢橋梁則大通橋樊河橋兩漢橋觀音橋栢鄉橋水安

存研樓文集

卷七

五

橋又有鎮西橋青水橋西河橋新開橋獨架橋而天生橋在七盤山下天成巨石橫亘黑龍江中咫尺可渡最爲奇險又有黑龍渡賈村渡小江渡兩河渡山河渡又按紀要縣北至青橋驛五十里又北至馬道驛四十里又北至武關驛五十里此縣北之郵驛西北至留坝驛四十里又西北至鳳縣松林驛五十里又北至費邱關四十里又北至三岔驛四十里又北至鳳縣六十里此縣北少西之郵驛又按關志漢陽關在縣西北二十里蜀破夏侯惇地也陽平關在西

北一百八十里漢置曹操破陽平關以降張魯而通典又曰蜀殺夏侯妙才於此姜維聞鍾會理兵關中又表請分護陽平關口者也虎頭關在北二百里而鷄頭關在北八里關口巨石形似鷄頭繇褒漢入連雲棧經此餘詳鷄頭關說又按秦蜀道紀程曰寶鷄縣十五里至益門鎮始進連雲棧又三十里至北新店又二十里至鳳縣岐陽驛又五十里至東河橋又六十里至草涼樓驛又五十里至梁山驛又六十里至三岔驛又四十里至南新店又三十里至松林驛

存研樓文集

卷七

六

又六十里至安山驛又六十里至馬道驛又五十里至鷄鳴關又五里出棧又五里至褒城縣關山驛又二十里至紐項舖東南六十里則漢中府矣又西北二十里至黃沙驛道始平又四十里則沔縣矣又曰棧道繇鳳縣三百二十里至褒城縣橋木夾道胥太小緣坡嶺而行其缺也以木續之成道似橋曰棧道非若劍閣之懸崖峭壁也道胥有客舍巖穴間亦可宿亦有帶釜而炊蓄火以俟後來者至褒城縣道始平北繇寶鷄陸川南抵褒城黑龍江蓋百五十二里

而郡國志書谷表四百七十里。迺斜谷口西至武關驛，褒水概言之也。紀要又曰：鳳翔府寶雞縣，大率東至岐山縣界，石頭河九十里；東南至郿縣界一百里；至縣一百三十里。岐山縣西南至寶雞縣界十里，至縣一百二十里。東南至郿縣界四十里，至縣五十里。南至鳳縣界，桃川五里，城一百五十里。郿縣西至石頭河三十里，至太白山五十里。西南至鳳縣二百五十里。南至洋縣東至盩厔縣界，清華堡六十里，至縣一百里。斜谷口在西南三十里。輿圖備考曰：郿縣關

存研樓文集

卷七

七

曰：斜谷在西南五十里。西安府盩厔縣西至清華堡四十里。西南至洋縣界二百里，至縣五百里。南至興安州界，柴家關二百四十里。斜谷在西南三十里。通典曰：漢中郡去西京取駱谷路六百五十二里。斜谷路九百三十三里。驛路一千二百二十三里。又曰：山曲曰盤水，曲曰屋，有駱谷關。宋程大昌關要志曰：駱谷關在盩厔縣西南一百二十里，有路可通梁州。漢名爲駱谷，道魏正始二年曹爽伐蜀，自此道入。甘露三年，蜀姜維圍長城，繇此路出。武德四年，立關通秦

州西抵興元府一百二十里。德宗在奉天，若繇褒斜幸梁州，最爲近便。緣李楚琳方殺張鑑，不敢繇鳳翔入，故東自駱谷入而轉西，以達梁州也。及還，卽取徑褒斜，出是駱谷路，迂也。登壇必究關中關志，說同而關志復詳駱谷曰：南通漢中，蜀將姜維出駱谷，圍長城，卽此。按鳳翔府志曰：五丈原在岐山縣南五十里。諸葛武侯屯兵地。輿圖備考曰：郿縣斜谷水經，褒谷北過五丈原入渭。鄧艾言蜀師來而爲一，我分爲四，謂狄道、隴西、南安、岐山四地是也。石橋山在縣南五十里。寶雞縣界石樓山亦

存研樓文集

卷七

八

五十里。形似樓閣，南山在南七十里。東連郿縣，西接大散關。輿山在太白山西，高遼渺，人跡青峰，山在南百五十里。峰巒最爲蒼翠，龍尾坡在東二十里。鄭賊破黃巢兵於此。渭水在縣南三十五里。桃川在南百五十里。出巨山中。東西四十里，南北三里。秦滅號爲縣，卽此。一名桃陂。川斜谷水源發桃川，經太白斜谷關北，流入渭。一名石頭河。郿縣衙嶺山在縣西北三十里。二名馬嶺。積石原在西南五里。諸葛武侯出斜谷，郭淮算必登積石原，先據之，而蜀兵不得上者也。

秦王嶺在東十里唐太宗屯兵地一書姚萇屯兵地
太白山在東南四十里四時積雪巔無草木有湫三
武功山在太白南語所謂武功太白去天三百者也
渭水在縣北三里斜谷水在西南三十里源出衙嶺
經斜谷縣西境北入渭清水出斜谷北入渭清湫
水在東二十五里源太白山北入渭盤屋縣終南山
在縣南三十里沉嶺在南五十里蜀姜維出駱谷徑
至沉嶺者也一名姜維嶺三國志姜維傳曰維前往
亡水倚山爲營司馬望鄧艾傍渭堅圍維數下挑戰

存研樓文集

卷七

九

望艾不應此亦縣嶺東至高冠谷太乙谷之山勢也
蓋縣此而東則爲石樓太微紫閣主峰諸峰矣此斜
谷駱谷迤北形勢之畧也紀要又曰漢中府洋縣北
至盤屋縣界二百里又至郿縣界東北至盤屋縣界
蒲河二百里至縣五百里西北至郿縣界東至石泉
縣界一百里至縣一百五十里西至城固縣界漢王
城四十里少北至縣五十里西南亦至城固縣界東
西距一百四十里南北距二百六十里城固縣北至
郿縣界二百里東北至盤屋縣五百里西北至褒城

縣一百十里又北至鳳縣界白溪里一百五十里東
至漢王城十里西至南鄭縣界長流舖五十里至縣
七十里西南亦至南鄭縣界東西距六十里南北距
四百里南鄭縣東至長流舖二十里東北亦至城固
縣界北至雙橋舖褒城縣界二十里西北至界景家
堂二十里至縣四十里西至鈕項舖沔縣界三十里
至縣九十里東西距五十里南北距一百六十里按
漢中府志曰洋縣實當谷在北八里興勢山在北四
十三里通典曰興道縣城卽後魏儻城郡因自然隴

存研樓文集

卷七

十

勢形似盆緣外險內有大谷爲盤道上數里及門漢
龍亭縣東明月池在其側又曰洋州蜀重鎮延熙中
遣王平守興勢曹爽圍不克者也而志又曰太白山
在北四十五里唐改華陽縣曰眞符一名眞符山面
隸鳳翔背隸兩當寒泉山在北一百二十里鄠都山
在西二十五里遠通秦嶺走祠者如織黃金谷在東
十五里漢水經其中宋寶慶三年漢中陷知洋州高
稼移屯黃金渡是也興圖備考黃金谷在洋縣蜀將
山爲秦子午谷龍亭道在東三十里卽以龍亭縣名
嶺之脉

而儻谷在北三十五里按寰宇記曰南口曰儻北口曰駱其中路屈曲八十餘里凡四十八盤夫駱谷之有駱儻猶襄谷之有褒斜也志又曰洋縣芋溪水在西北七里益水在西北二十五里出秦嶺入漢口大小龍溪在東北三十里巨石書展溪字潛水在東六十里所謂沱潛既導也金水在東一百十里源出秦嶺流合蒲水而雙鳳橋謝村橋天寧橋貫溪橋基公橋其橋梁也新坊渡黃金渡白沙渡壻水渡其津渡也與圖備考榆林關華陽關在洋縣志又曰城固縣斗山在西北二

存研樓文集

卷七

十一

十里一峰似斗杓上有五穴赤土坡在北三十里諸葛武侯屯軍以禦魏寇者也通關山亦三十里蕭鄧侯修道以通關中者也慶山在北三十五里平地突起二峰與圖備考慶山有烽堠武侯屯軍桃林山在北四十里九真山在北五十里道笈所謂太白山六百里與三隅山相接有大峰上有九真玉井者也天池山在南三十里上有天河池黑水在北五里源太白山南入漢所謂華陽黑水也壻水在東北六里源太白山流經縣北東入漢文水在西北四十里偕壻水入漢南沙水

在南而豐樂橋望仙橋磨石橋表陽橋沙河橋其橋梁也柳渡白岸渡陰平渡大安渡孫家渡壻水渡其津渡也志又曰南鄭縣寶山在北十里龍岡山在西十里中梁山在西十五里以其鎮梁州之中也王子山七峰山脊在北五十里天臺山在西北七十里巔平似臺漢中郡治坐其岡飛泉下爲佛子潭赤崖在西蜀趙雲退師燒壞赤崖以北閣道者也而駱谷在東一百二十里孫洋之真符至此屈曲八十里八十四盤乃蜀建興二十年姜維伐魏之所孫出師而景耀

存研樓文集

卷七

十二

六年鍾會之向駱谷以圍漢樂二城進攻陽安關口者也志又曰南鄭縣漢江在南三里白鹿池在北三十里通濟橋梳洗橋鴻溝橋輓橋長亭橋沙河橋小江橋明珠橋其橋梁也上水渡下水渡老石渡其津渡也志又曰褒城縣連城山在北六里鷄翁山卽連城後山同鼎山在東北十五里金華山在南七十里清泉匯流峭峰環繞沔水在南四里源出古金牛縣界南合沮水鶴溪在南五十里峽泉似瀑此駱谷斜谷迤南漢江北子午谷東又迤西至鷄頭關南形勢

之畧也。又按整屋縣冊曰：南至黑水峪三十里，又南至秦地一百五十里，又南至興安州界柴家關六十里，又西南至縣界蒲河五十里，又西南至三河口四十里，又西南至馬家河二十里，又西南至涇水河三十里，又西南至槐樹關三十里，又西南至杜村塢三十里，又西南至洋縣三十里。夫駱谷在整屋縣西南三十里，關又置谷中九十里。冊雖不知援引駱谷而駱谷占地紀里之實，殆可繇冊而闕算其涯畧者也。抑駱谷口在整屋縣西南三十里，斜谷口在郿縣西

存研樓文集

卷七

三

南三十里，而郿東距整屋一百里，則駱谷所經殆石城褒谷，斜谷四百七十里，而寰宇記書屈曲八十餘里，此第繇太白山迤東南之尤峻險者，以至儻谷言之，而未足以盡駱谷袤延蟠踞之實也。又按何景明雍大事記曰：子從入蜀漢道觀之，其西南曰褒谷，從褒入南曰駱谷，從洋入東南曰斜谷，從郿入其所從皆殊舊志謂首尾一谷，非是。景明嘗督陝西學，雍大事記號志乘，佳本其言殆不妄。然駱谷口在整屋而曰南斜谷口在郿，又從郿入而曰東南，此殆當詳委

數說至論棧道四出，則又曰：從城固洋縣出者為斜路道，且合斜路言之，豈其以興勢山、眞符山、鄠山為駱谷準望，九眞山、通關山為斜谷準望，而特以太白山、蟠踞六百餘里記里取道殊難，慙懣故諸志胥未之克詳，而景明所指東南亦裁從三河口馬家河間言之耶？然則稽訂易，不獨張氏之史記正義也。又按陝志曰：子午谷有二，一在洋縣東一百六十里，漢魏舊道，梁將軍王神念以緣山避水橋梁，不便別開，乾路仍名子午，卽今縣東三十里龍亭是。昔魏延

存研樓文集

卷七

四

請分兵繇子午谷而北，與楊貴妃嗜荔枝自涪陵繇達州趨西鄉，入子午谷，至長安，皆此路也。輿圖備考：子午谷，七日，至長安。又曰：子午谷在西安府城南一百里，通道梁漢，登壇必究。曰：子午關在子午谷中關。中關志曰：子午關在西安府城南一百里。漢書平帝元始五年，王莽逼子午道，因以置關。按漢中府志曰：子午水在西鄉縣東北一百五十里，源發子午谷，西流入漢。子午渡亦在縣紀，要曰：西鄉縣東北至子午鎮一百五十里，西接洋縣，東接石泉，而紀要又曰：洋

縣南至西鄉縣界六十里東南至縣一百里則西鄉子午鎮之西卽洋縣子午谷漢魏舊道也西鄉東南經梨樹隘至夔州府太平縣界白廟子五百里少西至縣又六十里又南至東鄉縣界鐵鑛舖九十里少西至縣又九十里西南至達州界胡家坪五十里至州又四十里則通典通川郡去西京取益昌郡驛路二千五里東取洋川郡駱谷路約一千五百七十六里陝志西鄉至達州七百五十里胥爲少符達州舊志北至洋縣四百三十里爲舛蓋以谷南言則不惟

存研樓文集

卷七

五

通典書取駱谷路不書取子午谷路其說雅可參融雖元人繇饒風關東南經夔房山谷中至均州漢江之道亦差可尋數而以谷北言則魏延不出十日定長安之說雖古今譎畫士未有能深信之者也按西安府志曰豹林谷在終南山麓近子午谷谷有東明峰種放之所隱也石髓谷在府城南六十里谷口巨石似髓咸寧長安界此錫谷在府城東南六十里谷道至歸安鎮合蟻谷道通漢中府夫豹林谷裁足訂遺跡怡清賞而錫谷之合蟻谷道者乃其實也又按

存研樓文集

卷七

六

紀要曰西安府長安縣西南至鄠縣七十里又南至五郎關石泉縣界五百里長安縣冊曰南至小蟻谷七十里又南至觀音山二百里又西南至五郎關二百三十里又西至整屋縣界三河口一百四十里咸寧縣冊曰東南至大蟻谷九十里又東南至舊縣關一百九十里又東南至鎮安縣九十里紀要曰鎮安縣在西安府南少東二百八十里東西距四百二十里南北距二百七十里西至石泉縣界三百里少南至縣四百里西南至興安州界下茅坪一百二十里

十里接鎮安縣界漢陰縣東至興安州界五十里東北至界箭杆山八十里西至石泉縣界分水嶺四十里至縣九十里西北至縣界九十里橫山在西北五十里右截群山雙乳山在東五里雲門山在東二十里月嶺山在東六十里漢江在南八十里流入興安州界石泉縣漢江在南五十步五嶺嶺在北三十里縣北至長安縣界約一百二十里一書蓋屋縣界陝志又書二百二十里馬嶺在東四十五里亘二十餘里縣東北至鎮安縣界約一百二十里至縣四百里

存研樓文集

卷七

七

而西北至洋縣界西至縣界饒風嶺五十里此其谷迤南者也然則子午谷當以箭杆山越嶺燕子嶺下茅坪為準望子午關當以大小蟻谷錫谷舊縣關五郎關爲標識以東明峰觀音山爲準望而後王莽之創圖闢道魏延之高議行師以暨涪陵通川郡之速達長安者乃可得而指畫也抑陝志又曰鄜州中部縣子午嶺在西二百里子午水在西北七里源出子午嶺流入沮水慶陽府合水縣子午山在東五十里南北綿亘八百餘里文翔鳳幽谷考曰子午嶺長

千餘里北入大漠南盡分水嶺其東水東南流爲延安界其西水西南流爲慶陽界直南直北隨地異名南有子午峪北有子午嶺蓋以直南直北言此亦宜附子午谷後而參考者也夫三谷者乃秦漢以來入蜀漢之道如景明說則是有四谷也而雍大事記又詳棧道曰其棧道有四出從成和階文出者爲沓中陰平道鄧艾伐蜀繇之從兩當出者爲故道漢高帝攻陳倉繇之從褒鳳出者爲今連雲棧道漢王之南鄭繇之從城固洋縣出者爲斜路道武侯屯渭上繇

存研樓文集

卷七

六

之此四道三谷者關南之險隘攻取所從來固矣夫沓中陰平當別爲一道褒鳳斜路道前業具獨兩當道乃諺所謂明修棧道暗渡陳倉者其繫於蜀漢甚鉅按紀要曰漢中府沔縣西至略陽縣界沮水河七十里西北至縣一百九十里略陽縣東至沔縣界燒香臺一百五十里南至寧羌州界八十里至州二百二十里北至徽州界大石碑七十里至州一百八十里東北至兩當縣二百里至鳳縣界三百五十里漢中府志又曰雒水舖在東一百五十里黃土舖在西

一百二十里青泥驛在北一百十里而陽平關在南寧羗州界一百三十里紀程又曰畧陽東四十里至接官亭又四十里至峽口驛又三十里至睢水舖渡水又三十里至分水舖又二十里至沔縣又下舟一百二十里則漢中府城南三里埠矣紀要又曰鞏昌府兩當縣南至畧陽縣界鐵鑪山一百十里東南至縣界一百五十里西南至縣二百里東至界單河舖四十里至鳳縣一百里東北亦至縣界西至簸箕山徽州界二十里至州九十里西北至州界一百里又

存研樓文集

卷七

五

北至秦州二百八十里而北至秦州界黃交峪九十里又按漢中府志曰飛仙嶺在畧陽縣東南四十里上有閣道百餘間卽人蜀道也至女山在東南三十里山峰特立大丙山在南二十里下有丙穴白熊山在東八十里白熊嘗出此堡予山在西三里吳驢屯兵地冉家山在北三里群峰起伏環拱冉岡生此八渡山在北十五里四匝險隘林木茂杳道峻三岔山溪交匯要害地也白水江在西一百三十里嘉陵江在縣南盡水北發武都氏中南入瀾八渡水在東八

十步繇徽州東南經縣城流入嘉陵江渡者凡一百有八而天生橋白水渡沮水渡其津梁也鞏昌府志曰鷺鷥山在兩當縣東十五里有南岐來儀二峰石鏡峰銀瓮破胥在東二十里董真峪在東南二十里銀瓮峽董真峪暨青杠坡乃兩當三隘也大夫山在東南唐季嘗移河池郡於此申家山在東北九十里舊多銀鑛團樂山亦在縣境而天門山在南五十里懸崖巨石門一開一閣故道山在南二十里道通漢中漢高祖襲章邯出故道卽此下有故道川卽兩當

存研樓文集

卷七

三

水也又按關志曰仙人關在鳳縣西一百里其路左自成州經天水出皂郊堡抵秦州右自兩當趨鳳縣出大散關至和尚原夫兩當襲陳倉道卽曹家莊單何舖道其與棧道經鳳縣境同但不東北直出大散關而少西憩馬煎茶平山蛇山間潛形疾驅以掩襲之耳蓋不埃西走隴州南由城吳山城隴安城而出其不意者彌甚舊志書曰襲易辭也而紀程又曰四川至陝西一繇連雲棧卽韓信明修之道一繇陳倉卽韓信暗度之道此妄說也陳倉故城在寶雞縣東

南二十里卽益門鎮北出少東之道東驅廢邱朝曠至夫其明修暗度者雖分出二道而寔歸一道也蓋又觀於武侯散關之出陳倉之圍郝昭固守王雙鐵斬夫乃益歎高帝暨信之定三秦其視夏陽井陘尤捷而武侯之建興六年冬出散關七年出建威十二年出斜谷六年春九年再出祁山其志甚決而其軍務甚勞也夫祁山者按陝志在鞏昌府西和縣北七里武侯伐魏出祁山卽此又按通典同谷郡長道縣有祁山上有城極高嚴因其山建興六年諸葛武侯

存研樓文集

卷七

三

攻不拔開山圖嘗謂九州之名阻天下之奇峻西至屏風峽穀藏堡禮店寧遠寨大潭寨屏風峽北麓嶺甲關嶺又北爲積嶺進羊堡祁山東南爲鐵城夷關宋郭思祁山神廟記又以縣西北四十里屏風峽爲正祁山而寶泉山在北二十里有湫池漢水在縣舊長道縣南源亦出蟠冢與西漢水合入白水武侯軍壘比比在其間夫西漢水者今鹽官水也在縣東北九十里縣秦州天水界流入漢白水江在北二里縣西東流經階州會嘉陵江軍壘在漢水西漢水白水之間是趨天水道也若寶泉山屏風峽則又趨南

安道而岐山城之拔否勿論也按紀程禮縣有祁山廟乃武侯六出祁山地又按舊縣志祁山在東四十里而縣蜀漢出西和禮縣之道實古兩當道卽所謂仙人關左道自成州經天水出皂郊堡抵秦州者也按紀要徽州東至永寧舖兩當縣界四十里冊又書至界簸箕灣七十里西至橫川成縣界五十里至縣九十里而北至秦州界木驢川一百十里至清水縣二百八十里東北至清水縣界八十里西北至秦州二百八十里成縣東至橫川四十里北至黃渚關西

存研樓文集

卷七

三

和縣界七十里偕西北胥至縣一百里而東北至秦州界天水三百二十里至州二百八十里西和縣南至成縣界八十里東南至界六十里西南至界小川驛一百四十里西至禮縣界三十里西北至縣七十里而東至秦州界一百五十里北至鹽官鎮州界九十里東北至窄峽舖界八十里至州一百六十里禮縣東至祁山四十里卽西和縣界也少北至羅家堡秦州界八十里南至西和縣界張官坡四十里東北至聖湫峽伏羌縣界六十里又七十里至縣又七十

里至秦州北至分水嶺寧遠縣界六十里又一百里
少西至縣又九十里西至鞏昌府而西至界牌口岷
州衛界一百里至衛三百二十里又按紀程禮縣東
南四十里至石保又二十里至西和縣又五十里至
青羊鎮又三十里至石峽關又四十里至紙防頭又
三十里至小川子又五十里至鞏家塢渡河又二十
五里至畧陽縣界七防關又三十五里至密平裏又
五十里至置口下小舟又三十里則畧陽縣矣又曰
沔縣至鞏昌府陸道繇山礪走夏秋雨山水易發冬
存研樓文集 卷七 三

春道又渾凍不如繇沔縣陸走鞏昌府界一百二十里
下小舟爲少便此亦鞏昌輓輸駁運之說也蓋武侯
出散關而糧盡不得不還悉大衆繇斜谷出以流馬
運而每患糧不繼使志不伸不得不分兵屯田復出
祁山以木牛運而糧盡復不得不還軍姜維率數萬
人出石營經董亭圍南安而魏陳泰解圍至落門維
糧盡亦不得不退還是故其說不可畧也又按紀程
秦州南至木驢山一百五十里西至伏羌縣界楊柳
嶺八十里又三十里至縣通典所謂隗囂初據平

後保鞏縣者也又七十里至洛門鎮所謂洛門谷壑
在縣西者也又三十里至寧遠縣東至坂坡鋪清水
縣界一百里又二十五里至縣北至剡家八里灣秦
安縣界六十里又二十里至縣又八十里至平涼府
靜寧州清水縣東至峽口鋪隴州界長寧驛一百里
又七十里至隴關又少北七十里至隴州又東南一
百五里至寶鷄縣界又四十五里至縣北至秦安縣
界隴城關偕東北至華亭縣界一百里而關西至貓
兒峽六十里東北至瓦亭山二百餘里近關有街泉
存研樓文集 卷七 三

亭通典曰蜀馬謖敗於張郃地也南至秦州界磨兒
峽三十里東南至兩當縣界又至鳳縣界八十里西
南亦至兩當縣界六十里至縣二百八十里又按鞏
昌府志徽州雙龍崖在東南七十里鐵山在東南四
十里懸崖萬仞天池山在南三十里嶺有池白崖亦
三十里伶倫山在南十五里寫字崖在南十里銀椿
崖在東北五十里壁立萬仞木皮嶺在西十五里道
尤險隘唐黃巢亂都統王鐸置關於此以遮秦嶺也
青泥山在西四十里鷄冠山在西五十里連小隴山

嘉陵江在南七十里白水江在南五十里河池在州東而虞關仙人關胥在州境成縣兌山在東廢栗亭縣境鄭康成所謂隴西之西昧谷者也鹿玉山在東十里雲徑似綫鳳凰山在東南十里有醉仙崖太祖山在東南連寶井山巒聳林邃下瞰數州五仙山在南三十里山半有洞五鷄頭山在西南十五里亦史記所謂黃帝至崆峒登鷄頭山者也天井山泥功山魚竅峽胥在西二十里石船山在北四十里上有湫黑谷山在北巨石喬林北跨數郡黑谷關踞焉公

存研樓文集

卷七

五

主谷在東北積草嶺在舊天水岡谷之間方山在東四十里晉武都氏之所據也東河水在東源出秦州會南河水入飛龍峽注嘉陵江西漢水在西北六十里隸西和縣流經六漢堡入犀牛江而止店堡在黃渚關北一百十里白環堡又在北十里西和縣崆峒山在西南一百二十里通靈山在西一百四十里岷山尾在東南二里九域志所謂山無樹木洮水經其下者也仇池山在南一百里通典曰其土地百頃四方壁立峭絕險固自然有樓櫓却敵狀東西二門盤

道可七里上有岡阜泉源立宮室園舍皆爲板屋晉永嘉末氏楊茂搜據此下爲飛龍峽峽下爲玉繩泉傍爲萬丈潭氏楊飛龍之所據也橫水在南五十里大水橋在南三百步白水橋在北三百步卧龍橋在北九十里而栢關寨在縣境穀藏堡在西鐵城堡在東十八里禮縣紅土山在東三里金紫山在西南八十里莫遮攔山在西一百六十里山腹雷雨山上不知聖湫山在北六十里上有湫長道水在東平泉水在東北胥三十里漢陽川在南十里岷江在西三里

存研樓文集

卷七

五

出岷峨南流八白水江而洮平關半脊關野麻關矣分關木樹關胥在縣境夾箭嶺隔虎谷馬槽溝其隘也此縣道至祁山左右其山川關堡形勢盤錯之畧也又按秦州志吳砦山在東八十五里有吳鎮八山采木者之道也麥積山在東南八十里形似積麥爲秦林泉之冠中有豆積山北有雕窠谷谷有隄翼避暑宮址丁華嶺在東六十里土人名小隴山龜山在東南四十里邦山之譌也其麓爲社樹坪仙家嶺在東南三十里改龍山在南五十里下有街子口

乃上邽縣址也。嶓冢山在南六十里。通典所謂嶓冢有二。一在天水上。邽一在漢中金牛縣者也。天靖山在西一里。上有吳璘遺壘。赤谷在西南七里。赤峪山在西南十里。下有赤峪卦山。在西南三十里。山斷倏起一小山。渭水經其下。乃伏羲畫卦地。又所謂伏羲生成紀者也。牡丹原在西南六十里。巖岫多牡丹。壽山在西南一百五十里。武峰山在北二百里。三都谷在州境。宋曹瑋破囑廝羅十萬衆於三都谷者也。鐵堂峽在州天水廢縣東五里。姜維家此。而刑馬山在

存研樓文集

卷七

七

西南九十里。多林木。道可行。車水門山亦在西南。十里。乃伏弩射張郃地也。黑谷山在西南一百里。嶓冢山南跨數郡。宋建炎初知秦州程俊置關以保秦鞏隴。右要害地也。渭水在北二十五里。又經東五十里。爲渭水渡。繇此而益東南。經山谷中。則寢入隴。州南百里。金門峽矣。秦水出小隴山。東入渭。藉水源。刑馬山。夕陽山川。關子水注之北。入渭。漾水在南五十里。三陽川暨渡在北三十里。東入渭。天水湖在西南七里。而北十五里。南河渡暨三陽渭水東五十里。

存研樓文集

卷七

天

東柯嶺橋西一里。來峪橋其津梁也。州置秦州關。州西南九十里。置石榴關。又南十里。復置現子關。州北三陽寨。領十四堡。西北定西寨。領六堡。西南三十里。卽皂郊堡。此秦州天水山川關堡之畧也。夫秦州東南南西南三面山險。旣不易越。而又環處於坂坡峽。磨兒嶺。木驢山。黃交峪。窄峽。槐樹嶺。貓兒嶺。刺家八里灣。臘家城。隴城關之中。自清水伏羌孔道外。獨黑谷一山。北連刑馬山。寬敞道。又南通峻嶺。鉅山。陰平兩當要道。又西南走祁山。便道。而林木雜擁蔽之。敵

存研樓文集

卷七

天

武侯經畫天水繇此退。師張郃不知而誤。率師驅。谷以前宜其連弩之及也。而祁山北繇蹊。欄走洛門。鎮二百三十里。是又兼扼隴關。槐樹關。東來道也。又按秦州志。清水縣隴山在東一百里。隴山大震關在東七十里。唐廣德元年吐蕃入大震關。卽此。舊志所謂汧源縣西有大震關。大中間防禦使薛逵始徙築於隴州西者也。盤龍山在東五十里。卽大隴之支也。清崖洞山亦在東五十里。亭樂山在東三十里。乃非子封秦亭地。實蓋山在北一百五十里。而軒轅谷在